

ՀԱՐՔԵՆԳՈՒԹԻՆԸ ՊԵՏԵՐՐՈՒՐԳՈՒՄ .
Вѣд. Петерб. Градонач. юнц. 16-ին հաղորդում է որ ամ-
ցեալ յունուարի 4-ից մինչև 15-ը, այսինքն երկու
շաբաթուան ընթացքում Պետերբուրգի փո-
ղոցներում ոստիկանութիւնը բռնել է ամեն ախալտա-
նակ հարքածներ թուով 1,100 հոգի. իսկ ան-
ցեալ դեկտ. 17—15, դարձեալ երկու շաբաթուան
ընթացքում—2,259 հոգի: Դարձեալ յունուարի 21-ից
մինչև տոն փետրուարի 4-ը, այսինքն 15 օրուան ընթաց-
քում, մայրաքաղաքի փողոցներից ոստիկանատուն նմ
տարուել ամենախալտաակ հարքածներ թուով 2,259.

ՈՐ քան սպիրտ է գործածուում
Պետերբուրգի նահանգում . 1895 թ. Պե-
տերբուրգի նահանգի 1,899,600 բնակիչները խմել են
1,225,840 վեդր սպիրտ, այսինքն երկու անգամ անելի
քան Արխանգելսկի, Վոլոգդայի, Նովոգորոդի, Օլոնեցկի եւ
Պսկովի նահանգները միասին, որոնց բնակիչների թիւն է
4,182,000. Պետերբուրգի նահանգում—անշուշտ մայրաքաղաքի
շնորհիւ—622 հոգուն մի գինետուն է գալիս: (С Очев.).



ԱԶԳԱՅԻՆ

ՀԱՅԱՍՏԱՆԵԱՅՑ ԵԿԵՂԵՑԻՆ ՏԱՃԿԱՍՏԱՆՈՒՄ .

Մեր խոստման համաձայն մատչում ենք
արդ մի թուղցիկ հաշիւ տալու մեր եկեղեցական
կեանքի մասին Օսմանեան տէրութեան մէջ, Եւր-
հայիւր մի տիւոր դամբանագիր է միայն: Մեր ե-
կեղեցու պատմութեան մէջ մի այնպիսի տարեշր-
ջան է եղել երբէք, չնայելով որ այդ եկեղեցին
մարտ է մղել մոգակրօնութեան, առաջին մոլե-
ռանդ արարների, Տիւսիսական վայրենի հոների,
թիւրքերի և նոր պարսիկների հետ: «Արարատ»
ընթերցողները կարգաւով մեր տպագրած հաշիւն
երևի հարցումն կանեն, թէ արդեօք կայ այլ ևս
մի տաճկահայ եկեղեցի:

Անցեալ տառապանաց տարում մի փայլուն
կէտ կայ տաճկահայ եկեղեցական պատմութեան
մէջ, այդ է մեր արեւմտեան հայ եկեղեցական
եղբարց քրիստոնէութեան մէջ ունեցած տոկոսու-
թիւնը և նրանց առաջնորդ պատրիարքի, ամենա-
պատիւ Մատթէոս արքեպիսկոպոսի, անվեհերու-
թիւնը, որով քաջ հովիւ հանգիստացաւ իր հօտին,
արժանացաւ ամէնքի համակրանաց և հայրապե-
տական Աթոռից «քաջարթուն» մականունով:

Միայն տարեգրի պարտքը կատարելով պիտի
յիշատակենք այստեղ երկու կրտսեր աթոռների
հայրապետների մահը: Այսօր թափուր են թէ
Սոսի և թէ Աղթամարայ աթոռները: Դրանց երկու
վրայ բազմոյ գահակալներն ևս առ Տէր փոխեցան
և միակ ժառանգութիւնը, որ պիտի թողնէին ի-
րենց հովուած եկեղեցիներին, իրենց անձնական
գանձերն ևս անհետ կորան: Այլիկիոյ աթոռի հա-
մար ընտրուած գահակալ Գերայ. Գրիգորիս սրբա-
դանը արգելուած է Ս. Պոստումի իսկնորա փոխանակ,
ինչպէս երևում է: Այլիկիոյ մի այլ եպիսկոպոս,
ինքնազուխ կաթողիկոս է օծուել:

Համաձայն Տաճկաստանի քաղաքական բա-

ժաման, ըստ նահանգների յառաջ ենք բերում
մի առ մի այն զրկանքները, որ կրել է եկեղեցին,
այսինքն պղծուած եկեղեցիների ցանկը, բռնի հա-
ւատափոխութիւնը և նահատակութիւնը միմիայն
եկեղեցականներինը յակասե՛ յանուանէ յիշելով
վասն զի աշխարհականների թիւն մի քանի տասնեակ
հազարներ է:

1. ՏՐԸՊԵՉՈՒՆԻ ՆԵՇԱՆԳ. Տրապիզոն
քաղաքի կոտորածից յետոյ, որ տեղի է ու-
նեցել սեպտեմբերի 26-ին (հ. տ.) չըջակայ գիւ-
ղերն ենթարկուել են միևնոյն դժբախտութեանց.
Վերանայ, Անիֆա, Գրորի, Արին, Սիւրմենէ,
Գազար, Զեֆանոս, Սիֆտէր, Գրոմիլա, Սգա-
ւիդաս, Մայիլա, Ալախդէրէ և Մախտելա գիւ-
ղերի եկեղեցիներն աւերուած ու կործանուած են
և վեց քահանայ սպանուած: Ալախդէրէ, Մախ-
տելա Գրոմիլա և Աերտանաց գիւղերի հայ բնակիչ-
ները բռնութեամբ իսլամութեան են դարձրած:

2. ԷՐԶՐՈՒՄԻ ՆԵՇԱՆԳ. Հոկտեմբերի
18-ին (հ. տ.) տեղի ունեցած Էրզրումի կոտո-
րածի ժամանակ Տէր Գարեգինը, որ այդ քաղա-
քի հայ եկեղեցիներից մէկի քահանայ էր, սպան-
ուել է իր տան մէջ և նրա դիակը անյայտացրել
են: Դուռնիկ գիւղի հայ եկեղեցու քահանայն
Տէր Եղիան, որ գործով Էրզրում էր գտնուում
կառավարական առեւտուում խողխողուել է ուրիշ
ուժ հայերի հետ: Ինչ չըջակայ դատին է վերա-
բերում Թոփալ—Չաուշ գիւղի եկեղեցին աւարի
ենթարկուելուց յետոյ՝ պղծուել է աղտեղութիւն-
ներով: Ումուգում և Դագ գիւղերի եկեղեցիները
հրդեհուել են և նրանց քահանայները խողխողուել:
Դուռնիկ, Օձնի և Գարա գիւղերի եկեղեցիներ-
ը մասամբ աւերուել են: Խաչկայ վանքին կից ե-
կեղեցին կողոպտուել է և վանքի վանահայրը վի-
րաւորուել:

Բասենի գաւառում վանքն աւերելուց յե-
տոյ վանահայրը՝ Տիմոթէոս վարդապետը միաբնու-
թեան վեց անդամների հետ խողխողուել է և վան-
քը կրակի մատնուել:

Դերջանի գաւառում որտեղ կոտորածը
տեղի է ունեցել հոկտեմբերի 7-ին (հ. տ.) գիւղա-
կան հայ աղգարնակութիւնից նրանք, որոնք սպա-
նիշների սրից փախել էին, բռնադատուել են մահ-
մատական կրօն ընդունելու: Ինչպէս նաև առաջնորդ
Տէր Յուսէփ քահանայն:

Բարերգ քաղաքի մէջ՝ Սեպտեմբերի 30-ին
տեղի ունեցած կոտորածի ժամանակ՝ չորս
եկեղեցիներն աւերուել են և պղծուել: Խորէն
Գիւրոյեան վարդապետը, որ մի պատկառելի ծե-
րունի էր, խողխողուել է և Տէր Աշոտ քահանայն,
առաջնորդական ժամանակաւոր փոխանորդը վիրա-
ւորուել է: Շատ մատաղահաս աղջիկներ յափը-
տակուել են լազերի ձեռքով: որոնց և տարել են
իրանց երկիրը Տրապիզոնի նահանգը: Հրդեհի ժա-
մանակ տան և չորս հայ կանանց իրանց կաթնկեր
երեխաների հետ այրել են իրանց տներումը:

Բարերգի չըջակայ գիւղերում Ս. Գրիգոր
Լուսաւորիչ և Ս. Քրիստափոր վանքերը աւարուել
ու պղծուել են և սրբոց պատկերները պատառու-
ուել:

Լուսաւորիչ և Ալմեղբա գիւղերի եկեղեցիները
աւարի ենթարկուելուց յետ պղծուել են աղտեղու-
թիւններով: Լուսաւորիչ գիւղի մէջ ս. աւետարանը

Հազար կոտր են արել, փողոցը ձգել և ոտքի տակ տուել: Քաանթա գիւղում Տէր Յովհաննէս և Տէր Յարութիւն քահանաները խողխողուել են, եկեղեցին մզկիթի է փոխարկուել: Ժոտ չորս հարիւր հոգի կոտորուել են: Իսկ ազատուողները՝ մեծ մասամբ կանայք, պարտաւորուել են խալամութիւն ընդունել:

Բլուր, Բլուրակ, Բուխտի, Ս. Թորոս, Նեգ և Բալախոր գիւղերի եկեղեցիները փոխարկուել են մզկիթի: Տէր Մակարը, Տէր Գրիգորն ու մի ուրիշ քահանայ սպանուել են: Բոնի կերպով խալամութիւն են ընդունել տուել ինչպէս վերոյիշեալ գիւղերի բնակիչներն, նոյնպէս և Վարդահանի, Քարաւերակի, Չախմախի, Աւերէքի, Պափոսի, Օձտեղի, Վերին—Կիրճի բնակիչներն: Բլուր գիւղի բնակիչներին ստիպմամբ խալամութիւնն ընդունել տալուց յետոյ՝ հրոսակները հրացանածուլութեամբ վրայ են տուել, թերեւ կասկածելով որ նրանք սրտանց կապուած են քրիստոնէական կրօնի հետ: Նորադարձների գլխանոցներին փաթթոցներ են աւելացրել և նրանց եկեղեցի տարել ու նրանց ստիպել են իրեն մզկիթում ըստ մահմետականութեան նամազ անել:

Բարեբրգում և շրջակայքում խաչի պաշտամունքը բոլորովին դադարել է:

Քեղի գաւառակում, ուր կոտորածը հոկտեմբերի 10-ին է եղել, Տէր Խաչը, որ Պանքատուն գիւղի հայ եկեղեցու պատկառելի ծերունազարդ քահանան էր, խողխողուել է: Հետեւեալ քսան և երկու եկեղեցիներն ու վանքերն աւարուել են:

- | | |
|---|--|
| 1. Դենէք գիւղի Ս. Գէորգ եկեղեցին, | |
| 2. Մկիկան « » Աստուածածին » | |
| 3. Շէն « » Պարպետ » | |
| 4. Չերման « » Գէորգ » | |
| 5. Բրին « » Ամենափրկիչ » | |
| 6. Հանգատուն « » Խաչ » | |
| 7. Սաղաձոր « » Խաչ » | |
| 8. Հարուկ « » Սարգիս » | |
| 9. Կրղչուրուկ « » Աստուածածին » | |
| 10. Զիֆթիկ « » » » » | |
| 11. Չան « » Մինաս » | |
| 12. Կերպոզ « » Սարգիս » | |
| 13. Օրօր « » Աստուածածին » | |
| 14. Սարիրաշ « » Յովհաննէս » | |
| 15. Խոզքար « » Նիկողոս » | |
| 16. Արկիկի « » Աստուածածին » | |
| 17. Սիխանօր « » Մինաս » | |
| 18. Արդնաք « » Յակոբ » | |
| 19. Ասաղբերդ « » Սարգիս » | |
| 20. Աղբիւզ « » » » » | |
| 21. Զերօր « » Աստուածածին » | |
| 22. Խուփ « » Պարպետ » | |
| 23. Հանգատուն գիւղի մօտերը Ս. Պարպետի վանքը | |
| 24. Օսնակ « » Ս. Կիրակոսի վանքը: | |

Երզնկայի կոտորածի ժամանակ, հոկտեմբերի 9-ին աւարուել են այս թեմի ութ վանքերը. քանդակ են սեղանները և փողոսիկ Տէր Ղևոնդ քահանային, որ Չարչարանաց Ս. Լուսնաբերդ վանքի վանահայրն էր, և նորա հետ մի ուրիշ հայի, որ վանքն էր ապաւինել, Խնորիկ և Քարատաշ գիւղերի հայ եկեղեցիներին քահանաներն ու սրանցից մէկի երկու երեսները նոյնպէս խողխողել են: Ռըզուան գիւ-

ղում յարձակուողները կոտրել են եկեղեցու դուռը և ներս խուժելով՝ այնտեղ ապաւինողներին երեսուն հոգու խողխողել են: Ղոհերի թուում կային բազմաթիւ կանայք ու երեխաներ:

Միղունցիկ գիւղում կոտորածից ազատուողները թանի խալամութեան են դարձել:

Տէր Գէորգ Եղեկիկեան՝ Երզնկայի առաջնորդական փոխանորդ և Տէր Պատանդին Երճամջեան՝ հայ եկեղեցու քահանաներից մէկը կալանաւորուել են յիսուսի չափ հայերի հետ և ցարդ հեծում են յանցաւորներին ու ոճրագործներին յատուկ բանտերի մէջ և այնտեղ ամէն տեսակ անարգանքի են ենթարկուում:

Պուռուշայի գաւառակում՝ Մեծ ու Փոքր Արմրդան գիւղերի մէջ, ուր կոտորածը տեղի է ունեցել հոկտեմբերի 16-ին և 17-ին, Մեծ Արմի-դանի եկեղեցին գլխովին աւերուել է. այդ գիւղի Տէր Յակոբ քահանան հրացանի է բռնուել, մինչդեռ հարեան Փոքր-Արմրդանի քահանայ Տէր Գրիգորիսը փողոտուել է և մի այլ քահանայ վիրաւորուել: Տանձի գիւղի հայերը խմբովին խալամութեան են դարձել և թլփատուել:

3. ՎԱՆԻ ՆԱՀԱՆԳ.—Չախոզ, Ծոցու, Տապ, Խորխոսնց, Մէջկանց, Միւլք-Գիրճի, Արդնց և Հախտ գիւղերում սպանուած են չորս քահանայ. այս գիւղերի բնակիչներին, որոնց թուում նաեւ երեք քահանայից, թանի մահմետականութիւն են ընդունել տուել, եկեղեցիներն և վանքերը կողոպտուած, այրուած և աւերուած են: Ս. Յակոբ և Պարմաշ վանքերը աւարի են մատուում: Պատահանց գիւղի հայոց եկեղեցու քահանան սպանուած է: Փէյկեր, Նարեկ, Վերին Սարին, Շաղոսէն, Վարնց, Փիշաւկանք, Պատականց, Կիւղի, և Ագանան գիւղերի բնակիչներին մահու սպառնալիք կարգալով ուրանայ են տուել իրենց հաւատը և մահմեդականութիւն ընդունելու ստիպել: Քիւրդերը բոլորովին կողոպտել են Պարա—Դերէի վանքը, որ գտնուում է Բասեն—Գաշտ գաւառակում: Իսկ Գաղաղե, Գիգան, Արեգ, Գէյնամիրան, Գոմեր, Տարնեզ և Նար գիւղերի բնակիչներին թանի մահմեդականութիւն են ընդունել տուել: Շատախի գաւառի բոլոր հայ գիւղերը կողոպտուած են և նոցա բնակիչները մահուան սպառնալիքի ներքոյ մահմեդականութիւն են ընդունել: Հոգեաց գաւառի Նորդուզ վանքը բոլորովին կողոպտուած է: հայ գիւղորէից բնակիչները ստիպուած են եղել մահմեդականութիւն ընդունել, իրենց կեանքը փրկելու համար: Հաւաձորի գաւառում Անդայ ս. Աստուածածին, Երեմեղայ ս. Աստուածածին, Սերիբայ ս. Աստուածածին և Խիկի ս. Գէորգ վանքերը կողոպտուած են: Ինչպէս նաեւ Քոսպ, Աղլ—Դաշ, Պիլթենց, Գեղճի, Աստուածաշէն, Գէմ, Խորխոսն, Քերիլ, Իշխանիգում, Ագանան, Գերմ, Քէօշկի ս. Վարդան, Արգամեղ, Չուրստան, Բղակ և Անեղանց գիւղերի հայոց եկեղեցիները:

Պանգկան գաւառի հետեւեալ վանքերը կողոպտուած և աւերուած են.

- Ա. Աւրանէ ս. Աստուածածին.
- Բ. Նիքոսի ս. Թովմաս.
- Գ. Գոմայ ս. Գէորգ.
- Դ. Անդրանից վանք.
- Ե. Սորբայ ս. Պարպետ.
- Զ. Սմբատաշէնի ս. Աստուածածին.

Սորբայ վանքի վանահայր Պետրոս վարդապետի լեզուն ու այլ անդամները կտրել և ապա սպանել են ամենատոկալի տանջանքներից յետոյ, Սմբոն, Ուզուց, Բիկանց և մի քանի այլ զիւղերի հայ բնակիչները և Սմբոնի հայոց եկեղեցու երէց ընտանգատունէն են մահապատժուած լինել ընդունելու. բազմաթիւ կանայք յափշտակուած են:

Կաւաչ գաւառի հետեւեալ վանքերը կողոպտուած և աւերուած են.

- Ա. Չարահանի ս. Նշան.
- Բ. Սպիտակի ս. Եստուածածին.
- Գ. Ս. Յարութիւն վանք.
- Դ. Ս. Թոմաս վանք.
- Ե. Մոխրաբերդի վանք.
- Զ. Ս. Սահակ լուսապտուղ վանք.
- Է. Նոր զիւղի վանք.

Եղեբեկաղ գաւառում կողոպտուած են ս. Սրբանշեղադր զանքը և Կիսկուրի վերին—Սիփան, Ներքին—Սիփան, Արէն, Արէնջ, Գուխ, Գիւղէլ, Խորանց, Բարդաղ, Արզերայ, Կարա—Քէշիշ, Վեհաճերուկ, Այգեճոր, Զերակլու, Փիշ—Նազոմեր, Ընուշ—աղբիւր, Նորէն և Զուղայ զիւղերի եկեղեցիների սեղանները կործանուած են և ամենայն տեսակ սրբապաշտութիւն գործուած: Աւելին ալ, մի քանի տեղ քիւրդերը եկեղեցիներից յափշտակած քահանայական զգեստներն հագած, ձեռներին ս. խաչ, աւետարան և ս. սկիհ, սկսել են անամթ զարեր պարել թէ իրենց և թէ հայոց զիւղերում քրիստոնէից հաւատը և եկեղեցին ծաղրելու խորհրդով:

10. Արծիշոյ գաւառում կողոպտուած են Արծոնիք, Գինարեր, Մատղայ, Մեծօփ զիւղերի վանքերը, Նմանապէս Գէրգիանի, Գէյճազ, Արմեքոն, Գանձակ, Դիլոն, Բամոն, Յարութիւն և Յասպինակ զիւղերի եկեղեցիները:

11. Հաղբակ և Պարկերտ գաւառների բոլոր հայ զիւղերէից վանքերն ու եկեղեցիները աւերուած են:

12. Թիմար գաւառում Ալիտի, Էրիբնի ս. Էջմիածին և Ամգու վանքերը կողոպտուած են և աւերուած. հետեւեալ զիւղերի եկեղեցիներն ևս նոյն փիճակին են ենթարկուել.

- Ա. Արաշէն.
- Բ. Մարմէտ.
- Գ. Եկմայ.
- Դ. Ծախար.
- Ե. Մինաշատ.
- Զ. Աննափանք.
- Է. Ալիւր.
- Ը. Խաւինց.

ԻԹԻԼԻՍԷ ՆԱԷԼԷԳ. — Իթիլիսի կոտորածի զոհերի մէջ, որ հոկ. 13-ին է տեղի ունեցել, եղել են քահանաներ, որոնցից երկուսը եկած էին Խոյթ գաւառից (Մշոյ սանձագ), Նոյնպէս երեսներ 5—12 տարեկան, որոնք ս. Սարգիս եկեղեցու ծխական զպրոցի աշակերտներ էին, Գիւնկերի մի մասը անդադարել են քարիւղով պրկելով իսկ մօտ 80-ը թիւս որոնց և տէր Միսիմար քահանայի մարթիւրն որ Խոյթի եկեղեցու աւագ քահանան էր թաղել են տաճկաց գերեզմանատան, համարելով մահապատժանքի գիւնկեր: Այս քաղաքում նոյնպէս բազմաթիւ աւերուածներ են եղել. իսկ ինչ վերաբերում է մերձակայ գաւառին Վանիկ և Սա-

սիկ զիւղերում շատ կանայք են սպանուած և մէկ քահանայ:

Երում գաւառի 12 հայ զիւղերում հոկտեմբերի 13-ին տեղի ունեցած կոտորածի ժամանակ, եկեղեցիները սրբապաշտուող յետոյ մղկիթներ են դարձրել, Նոցա, որոնք խուսափել են մահից, ստիպել են ընդունել կողոպու մահապատժանքը ընդունել և թշուառուել: Քահանաներին ստիպել են գլխի փաթէթներ կրել, Նոցա կանանց առել են իրր ամուսին մոլանների և իրենց քահանաներին ստիպել ամուսնանալու այն կանանց հետ, որոնք խլուած էին իրենց առաջին ամուսիններից: Այս քահանաներին տուել են նաև մէկ կամ երկու քիւրդ կին աւելի, հաւատափոխութիւնը միաժամանակ մի քանի հաստատուն կապերով կատարեալ դարձնելու համար:

Մի քանի եղբայրներից բաղկացած բնտանիքներում մէկին կամ երկուսին յատկապէս սպանել են, Նոցա կանանց ամուսնացնելու համար կենդանի մնացած եղբայրների հետ: Հէրիի օրէնքի համաձայն որ թոյլատրում է այս տեսակ ամուսնութիւններ:

Հիւրման գաւառի գաւառում ուր մօտ քսան զիւղեր են գտնուում, որոնց մէջ յիշուում են Սարուս, Աւին, Էւամ, Նապեն, Սիւմէթ, Թիւնկը զիւղերը, կոտորածից խուսափող հայերին ստիպել են մահապատժանք ընդունելու, ինչպէս և Նոցա եկեղեցիների քահանաներին. իսկ եկեղեցիներից մի մասը հիմնադատակ կործանել են և միւս մասը փոխարկել մղկիթների: Ներկայումս թիւրք մոլաններ վերջիններս մէջ բաղժնով յաղթական կերպով վարդապետում են մահապատժան կրօնի սկզբունքները: Այս գաւառում մի քանի քրիստոնէայ յղի կանանց որովայնները պատառելով դուրս են հանել երեսներին և յօշոտել:

Կուրնան զիւղի հայ աղաքանակութեան կէսը որ նոյն գաւառում է գտնուում կոտորուել են, իսկ միւս կէսը մահապատժանքին է ընդունել ստիպմամբ:

Մատին և Գինձիկ զիւղերից փախըրել են շատ կանանց ու օրիորդների ի թիւս որոց Գինձիկ հայ զիւղի եկեղեցու քահանայ ամուսնուել:

Գաւառայ, Խարթ, ՕՏ, Սակ, Գաւթ, Նէլ զիւղերի եկեղեցիները, որոնք գտնուում են Դէրէի գաւառում, կողոպտուած են:

Սպակերտ և Խիզան գաւառների կոտորածների ժամանակ, որ օգոստոսի ընթացքում են տեղի ունեցել, հետեւեալ վանքերը կողոպտուել են.

- Ա. Խիզանի ս. Խաչ վանք.
- Բ. Գամաղիէլ վանք.
- Գ. Պարաճոր վանք.
- Դ. Փաղէնի ս. Եստուածածին վանք.
- Ե. Գէօքուտի ս. Կիրակոս վանք.
- Զ. Սկաւառակ կամ Հիւրնի ս. Գէորգ վանք.
- Է. Սորիի ս. Եստուածածին վանք.

Ս. Խաչի վանահայր Սահակ վարդապետը և Պաօշենց զիւղի հայ եկեղեցու քահանան սպանուել են. Նոցա զիւղները մորթեցերը են արուած և յարգով լեցնելով ծառից կախուած:

Նոյնպէս և սպանել են Գամաղիէլ վանքի վանահօրն, ինչպէս և Պոշոս Խաչատուրեանին, Եղիսի ս. Կիրակոս վանքի պահապանին, Բանի Մահապատժան են դարձրել ՕՏանէս վարդապետին, Սկա-

առակ վանքի վանահօրն, որին երկու կին են տուել։ Խիզանի բնակիչներին մի քանի հայերի բռնի կերպով թէքքէի մէջ մտցնելուց յետոյ, խաւամութիւն են ընդունել տուել։ Նոյնպէս հաւատափոխ են արել Խորինոց գիւղի երեք քահանաներին, որոնց շրջեցրել են փողոցներում փաթեթները գլխներին, ու թ գիւղի բնակիչներ որոնք պատկանում են Հէնիճորի նահիէին, բռնադատուել են իսլամ դառնալուն եկեղեցիք և դպրոցները փակուել են և տեղի են ունեցել մի քանի առեւանգութիւններ։

Հետեւեալ Խիզանի և Սպակերտի շրջանին պատկանող գիւղերի բնակիչներն ստիպուել են մահաւանդ սպանալիքի ներքոյ մահմետականութիւն ընդունելու։

ԽԻԶԱՆԻ ՎԻՃԱԿ.—Տարոնց, Ներքին—Տարոն, Կարասու, Վերին—Կարասու, Հէն, Խարիտ, Խուպ, Թաղիկ, Պալատուր, Խաղուկոնց, Ծիփու, Անտին, Դամաղիէլ, Խիզանի ս. Խաչ, Դի, Նոր-Հէն, Եղուձ, Անապատ, Պոսէնց, Դարսը Մունտինց, Մամթինց, Կասսար, Հակիս, Խորխոց, Նոնհոձ, Կարինակ, Պաղսար, Լի, Հուջուկ։

ՍՊԼԻՖԵՏԻ ՎԻՃԱԿ.—Վերին—Հորուկ, Ներքին—Հորուկ, Ճանճուան, Ներքին—Կոտենց, Վերին—Կոտենց, Ներխան, Օղճան, Սիւքար, Բաղինձ, Լուսր, Թաղ, Կիզիս, Տանձիս, Սրասու, Նարկին, Թալոր, Պատրոնց, Հուսպ, Խաթ, Սորա, Բաղու, Սաղան, Երմինդիկ, Տուղաս, Կիրան, Դալա, Մատ, Ծեմէն։

Վերին Կարկարի վիճակում Խնճորատի սուրբ Ըստուածածին, Ծիկորի սուրբ Երաշխատը և Սմբատի վանքերն կողոպտուել են. երկու քահանայք, Եղեկիս գիւղի եկեղեցու երկու քահանայք սպանուել են։ Նոյնպէս սպանել են և Սարգիս փարգապետին, Ծիկորի վանքի վանահօրն, որի աշխերն հանել են նախապէս, Հետեւեալ գիւղերի եկեղեցու պաշտօնեայք և բնակիչները բռնի մահմետական են դարձրել։ Արշան, Տացու, Եղիկիս, Բերկրի, Ալէս, Հարրինց, Հակուրցու, Կոր, Վորից և Խնճորուտ։

Մամրատնոց գաւառում հայ եկեղեցիք կողոպտուել են, քանդուել կամ մզկիթի փախարկուել, Հայերի մեծամասնութիւնը բռնի մահմետականացրած են։

Ահա այն գիւղերի անունները, որոնց բնակիչներն ստիպուել են խմբովին մահմետականութիւն ընդունել։

Այլ Սիզ, Բարկան, Ապարանք, Գիտանց, Հուսփնտոնց, Տուանց, Մեկհոտի, Հէն—աղբիւր, Մուտ, Կուղինց, Կոնիս, Հարուտ, Բարամուս, Հագաւ, Կարան, Բարկանց։

Ապարանքի սուրբ Խաչ, Սիզի ս. Խաչ և Տիւրուէքի վանքերը փոխարկուած են մզկիթների։

Սղերդ քաղաքում, ուր կոտորածը տեղի է ունեցել նոյնների 3-ին (5. տ.), կողոպտուել են եկեղեցին, առաջնորդարանն և դպրոցը որի ղռները բռնի խորտակուել են, Թէոդորոս փարգապետը, առաջնորդական փոխանորդը, ծանրապէս վիրաւորուել է և նրա ծառան սպանուել է։ Այս քաղաքում մորթել են նոյնպէս մի քահանայ և բռնաբարել բազմաթիւ կանանց և աղջկանց. բնակիչների մի մասը ստիպուել է մահմետականութիւն ընդունելու։

Մուշի սանձագում, կողոպտուել են Հերկերտ գիւղի եկեղեցին, յարձակուողները ս. միւսոնի

անօթը ձեռք ձգելով միւսոնով սրբել են իրենց հրացաններն և թրերը, Այժմ Մուշի ձորերում գտնուում են փոքրահասակ մանուկներ, որոնք իրենց բնտանեաց հետքերը կորուսել են և այդպէս լքեալ թողնուած են, մինչ բնակիչները փախուում են մահաւանդից ազատուելու համար, Բազմաթիւ կանայք են փախցրել Խէյրեան և Ստէլուունտ գիւղերից։

Տէր Վարդան քահանան, որ բիթլիսցի էր, սպանուած է Նաղիկ գիւղի շրջակայքում Ախլաթի գաւառում։

Կերնոսի, Վազրի, Դարինիս, Տուղմալանէ, Գուպար և Կունջքի—Համէն գիւղերի բնակիչներից նրանք, որ աղատուել են կոտորածից, բռնի մահմետական են դարձրած։

Ճապաղջրի վիճակում Զիրլիկ, Մատրակ, Սինֆոր, Գողէմ, ինչպէս և Պետալուր, Թիզ, Նոր-Հէն, Մարդուրիկ, Անտրի, Մեղուկի, Պիտ-Հորի բնակիչներին մահմետական են դարձրել, միանգամայն և քահանայից, իսկ եկեղեցիք փոխարկել են մզկիթների և այժմ այն տեղերում քարոզուում է դուրանը, Այս կողմերում խաչի պաշտօնը բոլորովին դադարել է։

ՍՊԼԶԻ (Սերաստիոյ) ՆԱՀԱՆԳ. Սվազում կոտորածի ժամանակ, որ տեղի ունեցաւ հոկտեմբերի 21-ին, մեծ բազմութիւն մարդկանց ուժով մահմետական դարձնելով լիւսաւորել են, Հրջակայ գիւղերում աւելի քան 20 եկեղեցիք կողոպտուել են և տէր Ըստուածատուր, տէր Ասիկ, տէր Արօ-Նիտէս քահանաներին, Դուզաստր եկեղեցու աւագ քահանային, այսպէս և Թեթմալ, Վալի—Մաղարա, Կարահաջիկ, Խորասանա, Գոլտում, Հանգալ և Դաւրա գիւղերի 7 քահանաներին, այլ և տէր Թեթմոսին, Խարանու գիւղի եկեղեցու քահանային սպանել են։

Հապին—Կարահիսարի կոտորածի ժամանակ, որ տեղի է ունեցել հոկտեմբերի 16-ին, մզկիթների միարեթների վերայից հրացաններն ուղղել են գէպի հայոց եկեղեցու պատուհանները և այսպիսով վիրաւորել են այնտեղ ապաւաններին, սպանել են ս. Փրկիչ եկեղեցու տէր Եղիա քահանային, այդ անմեղ զոհին թաղման կարգը կատարելու համար, Թամդարա գիւղի կոտորածների ժամանակ, որ տեղի է ունեցել հոկտեմբերի 15-ին և 18-ին, կողոպտուել են ս. Թագաւոր եկեղեցին, և ս. Գէորգայ վանքը, շրջապատով նոյն իսկ պաշտամունքի որևէ անօթ, քանդել են սեղանները և սուրբերի պատկերները անպատկառ կերպով պղծել, Պատկառելի ծերունի տէր Գրիգոր քահանային և մի երիտասարդ եկեղեցականի՝ նորընծայ տէր Գիւտին տանելով մզկիթի առաջ կացնով գրկաւորել են, Տեղական ուսումնարանի երկու ուսուցիչներին գլխատել են երկար ստիպելուց յետոյ որ նորա նամաղ անեն և տեղացի բոլոր ուսում առած երիտասարդներին մորթել են, ուսումնարանի աշակերտներին սրախողկող արել և աղբիկներին բռնաբարել, Բացի դորանից յարձակուողները 35 երեխաներ բաժանել են իրենց մէջ ուժով մահմետական դարձնելու համար, ինչ վերաբերում է շրջակայ գիւղերին՝ Պիլք գիւղի եկեղեցին և զրպրոցը այրել են, տէր Արրահամ քահանային, ինչպէս նաև Աղուանից, Սիս և Անկրի գիւղերի քահանաներին սպանել են, Բունէյիտում գլխատել են

տէր Մատթէոս քահանային և զիւր վերայ նրա ծայրայեղ անպատուութեան համար ֆէս դրել, իսկ տեղացի թուրքերի խաները իրենց ատելութիւնը գէպի Բրիտանիայ պառնանան ցոյց են տուել մտրակելով նրա դիակը: Աւարելոց վանքը որ Սիս գիւղի շրջակայքումն է՝ կողոպտուած է:

Սու—Հիշիքի գաւառում այրել են Լնտերէս աւանի եկեղեցին, որտեղ ապաւինած էին ծերեր, կանայք և երեխաներ: այս խեղճ արարածները կրակի զոհ են գնացել: Այրել են նաև այգտեղի հայոց ուսումնարանը: Մահմեդական են դարձրել Ղուլ-հիսար գաւառի հայ բնակիչներին և տեղի հայ աղջիկներին բռնի կնութեան են տուել թուրքերին:

Տիփլիսի կոտորածների ժամանակ, նոյնմիջերի կէին կողոպտել են հայոց ս. Աստուածածին և Երրորդութիւն եկեղեցիները, որոնց սեղանները քանդել են: ս. միւռնը գետին են թափել և արհամարհանքով կոխել: հայոց առաջնորդարանը ևս հրդեհել են: հայոց ուսումնարանը դարձրել են զինուորների պահականոց:

Ալեքսանդրի գիւղում սպանել են տէր Սարգիս և տէր Միքայէլ քահանաներին: ինչպէս նաև Արմուտաղ գիւղի քահանային և ս. Յակովբ վանքը աւերակ դարձրել: Զիմարայում և Ղազմայում եկեղեցիները մասամբ աւերելով մզկիթ են դարձրել: ս. խորհուրդը ոտքի տուել: 650 մարդիկ Ղազմա գիւղի շրջակայ բնակիչներից բռնի մահմեդականութիւն են ընդունել: նոցա զիւրի փաթեթ գնելով ստիպում են օրական 5 անգամ մզկիթ գնալ նամաղ անելու և Գրիգոր Պալեան հային արդէն թաղել են տաճկաց գերեզմաննոցում: իրրե իսլամական կրօնին պատանդողի, կատորներ սպառնալիքներից փախցած Գետասին և Ապուղնա գիւղերի բնակիչները մահմեդականութիւն են ընդունել: նոյնը արել են Զիմարա գիւղի բնակիչները և եկեղեցու քահանան:

Տարեխտե և Աշոտի գիւղերի եկեղեցիները վառել են: ինչպէս և ուսումնարանները և շրջակայ վանքերը: Զոհերի թուում են Իսահակ եպիսկոպոսը և Աշոտի գիւղի եկեղեցու քահանան: Զիւլէի կոտորածների ժամանակ, նոյնմիջերի 16-ին, սպանուած են տէր Արիստակէս և տէր Մկրտիչ քահանաները մահմեդականութիւն ընդունելու համար: առաջինի աչքերն են փորել: իսկ երկրորդին մորթեցին արել:

Աեղիր—Բեօրփլու (Ամասիայի սանջագ) տէր Բարսեղ քահանային սպանել են զեկտեմբերի 2-ին: եկեղեցին կողոպտուած է: Հաջի—Բեջ գիւղի հայոց ուսումնարանը այրուած է:

6. ՄԱՄՈՒՐԻԹ—ԻՒԼ—ԱԶԻԶ—ՆԱԶԼԵԳ.

—Խարբերդի կոտորածի ժամանակ, հոկտեմբերի 26-ին, քանդուած և հրդեհուած են ս. Կարապետ և ս. Ստեփանոս եկեղեցիք և ուսումնարանները: 200 ընտանիք մահուան սպառնալիքներից ըստիպուած մահմեդական են դարձել: տէր Յակովբ քահանային, որ էէր ուղում ուրանալ իւր հաւատը, մերկացրել են թողնելով միայն մի շապիկ և մերկ սրբըր զիւրի բռնած մահ սպառնացել: Թըռուա եկեղեցականը այդ սպառնալիքներէ խելագարուելով բանտ է դրուել: Իճէ գիւղի հայոց 40 եկեղեցին մզկիթ են դարձրել: Այդ գիւղից 40 յայտնի նշանաւոր հայերի բռնադատել են իսլամական ընդունելու և երբ նորա չեն ընդունել, մէկ մէկ դուրս են բերել մի շէյխի հրամանով և

զիւստեղ եկեղեցու շէմքի վրայ: Եկեղեցու ժամհոյր սպանողների անողորհ հրամանին հպատակելով ստիպուել է պարան կապել զիւրիների ոտներից և մինչև գետը քաշ տալ: Իսկ ինչ վերաբերում է Սարսորի ս. Գէորգ, Թաղէի ս. Աստուածածին և Զարգարիչի Ալտիլմաէի վանքերին՝ բոլորը կողոպտուած են և այրուած և այժմ միայն ծխից սեւատուած պատերն են մնում: Թաղէի վանքում պատահաւ Յովհաննէս վարդապետ Փափաղեան, մահմեդականութիւն ընդունելուն համար, տեսաւ իւր ձեռքերի մասմա կտրուելը մինչև արմունկը: որից յետոյ նորից առաջարկեցին նրան ուրանալ իւր հաւատը: իսկ երբ վարդապետը հաստատ մնաց իւր հաւատի մէջ, նորա գլուխը կտրեցին եկեղեցու շէմքի վրայ: մինչ նա արտասանում էր քրիստոնէական հաւատոյ հանգանագը:

Հետեւեալ քահանաները նոյնպէս սպանուած և մորթեցին են եղած.

Հարութ գիւղի եկեղեցու ծխար:	տէր Յարութիւն:
Մուրի	տէր Սարգիս:
Գոմք	տէր Սէթ:
Բեպլու	տէր Սարգիս:
Թատեմ	տէր Յակովբ և տէր Ահարոն:
Գիսսերիկ	տէր Յակովբ:
Մորինիկ	տէր Ղազար:
Հիւսէյնիկ	տէր Յովհաննէս և տէր Վահրամ:

Այս քահանաները սպանուել են մահմեդականութիւն ընդունելուն համար, մինչդեռ հետեւեալները իրենց հօտի հետ մէկտեղ ստիպմամբ ընդունել են մահմեդականութիւն:

Բեօլլու գիւղի եկեղեցու ծխար:	տէր Պօղոս:
Գիսսերիկի	տէր Սահակ:
Հիւսէյնիկի	տէր Միքայէլ:
Բորիէյի	տէր Նշան:
Հէնտիլի	տէր Կարապետ:
Պուի	տէր Յովհաննէս:
Նիքերիկի	տէր Գրիգոր:

Երկու ուրիշ եկեղեցականներ՝ տէր Ստեփան և տէր Գարեգին Վարդանեան անյայտացել են:

Հիւսէյնիկ գիւղի հայ եկեղեցու տէր Միքայէլ քահանան ստիպուած և եղել մահմեդականութիւն ընդունել և փաթեթ գնելու զիւրին:

Մոսերիկ, Մորնիկի, Բերդակ, Աշուշան, Հիւսէյնիկ, Բոր, Մեքիլիկ, Հինտել, Բորիէ, Գարսիկ, Զօրցարուք և Բելմիշէն գիւղերի բոլոր հայ բնակիչները իսլամ են ընդունել: Եկեղեցիները կողոպտուած: աւերուած և հրդեհուած են:

Հարութ գիւղի վրայ յարձակուելու ժամանակ զինուորները հայոց եկեղեցին հրդեհել են և այնտեղ ապաւինած ժողովուրդը ստիպուել է թողնելու իւր ապաստանարանը կրակից փախչելու համար: Սոցա մի մասը կոտորուել է: իսկ կենդանի մնացածները ազատուել են հաւատն ուրանալով միայն: Այլփոսում, Հիւրդում և շրջակայքի աւաններում հայոց եկեղեցու քահանաներին սպանել են և հազարաւոր հայ ծխականների ստիպել են մահմեդականութիւն ընդունելու:

Խարբերդի ամբողջ թեմում, որտեղ 53-ից աւելի հայ գիւղեր կային, ոչ մի եկեղեցի չէ մի ուսումնական րան այլ ևս չէ ծառայում իւր կոչմանը

և ոչ մի քահանայ չկայ ժողովրդի հոգևոր պետքերը լցուցանելու համար։ Հաւատադիտութիւնները և լիբիատութիւնները օրէցօր աւելանում են, եկեղեցիները տաճկաց մկրիթների են փոխուել, և տաճիկները որ ձեռք են ձգել նոցա բնակիչները այլևս ետ չեն դարձնում։

Անի գիւղերում եղած կոտորածի ժամանակ հոկտեմբերի 27-ին կողոպտել, պղծել և աւերել են ս. Փրկիչ վանքը, Լիճք, Նարբէք, Աղնի գիւղերի եկեղեցիները աւերուել են և կողոպտուել։ Այս գիւղերի բոլոր հայ ժողովրդեան առաջարկել են մահմեդականութիւն ընդունելու։ Լիճք գիւղի բնակիչները ստիպուած են եղել ընդունելու այդ առաջարկը, ինչպէս նաև նոցա քահանաները։

Ալրիստան գաւառի Եարբուզ գիւղում, ինչպէս նաև Ասկիսունում, բնակիչների մեծ մասն սպանուել է, շատերը խլամութիւն են ընդունել։

Յիշատակն արդարոց օրհնութեամբ եղիցի։ Յուսանք որ Տէրը իւր եկեղեցու համար զօժուածների բարեխօսութեամբ կը դիմայ մնացելոց վրայ, և քրիստոնէայ պետութեանց, մանաւանդ մեծագոր Ռուսիոյ, աղղկեցութեամբ վերստին խաչի պաշտօնը կրկնականգնի ամենուրեք ուր մահմեդական մոլեռանդութիւնը այդ ջրնջել է ջննացել։

ԵԿԵՂԵՅԻ ՀԱՅԱՍՏԱՆԵԱՅՑ.

ՄԱՅՐ ԱԹՈՒ.

Տեսողնդառաջի օրը, Անհափառ Հայրապետի հրամանաւ Գեր. Կարապետ եպիսկոպոսը կուսակցութեան քահանայ ձեռնադրեց Ս. Էջմիածնի միաբան շնորհաւորական Վահան և Ռախայէլ սարկաւազներին, վերակոչելով նոցա Կորնէս և Մամբրէ։

ԵՐԵՒԱՆԻ ԹԵՄ.

ՏԱԹԵՒԻ ՎԱՆԷՐԸ. 1

Միւնիքի Ծղուկ գաւառի Դաղբէլ լիւսն ըստորոտում ուր սարի բարձունքից լայնանիստ կողերէ զտրվայրով իջնող խոխոմածիգ ձորերը միանում մի դարաւանդ ժայռ են կազմում, ուղիղ Որոտայ ահլղ անդունդի գլխին, կանգնած է այժմ Տաթեւի հօշակաւոր վանքը, Միւնեաց նախնի փառքի ամայի և խօսուն յուշարձանը։

Մի քանի խօսք այդ Մնաստանի անցելայն մասին։ Տաթեւի այժմեան նուիրական վայրերը բոլոր մասերով կառուցուած են Թ. և Ժ. դարերում, երբ Միւնեաց վարդապետարանի ներքին և արտաքին բարգաւաճումն կանոնաւոր հիմքերի վրայ դրուեցաւ։ Սակայն ժողովրդական աւանդութիւնն ընծայում է նորան պատկառելի հնութիւն՝ թագցնելով նորա ծագումը առաքելական դարու անյայտութեան մէջ, իսկ պատմութիւնը վերապահել է նորան գործունէութեան մի փառաւոր շրջան, որի սկիզբն է Կ. և վախճանը Ժ. Բ. Բ. դարը, Պատմական այդ ընդարձակ ասպարիզի վրայ Տաթեւը

հօշակ ստացաւ իւր միաբանական ուխտով, փանական կազմակերպութեամբ, բաղմամբիւ բարեգործական հիմնարկութիւններով և առաւել ևս իւր վարդապետարանով ուր ձոնամատոյց և անյաղթ փիլիսոփաներ, «անհամեմատ» գրիչներ, «վարդապետական կրթութեամբ» ձօնացած գիտուններ, «արհեստաւոր» նկարիչներ և «երգոց» երաժիշտներ համախմբած նուիրարեւում էին իրենց անձնաղիր վաստակների արգասիքը հայ ժողովրդին և հայ եկեղեցուն։ Մի կողմից քրիստոնէական մաքուր կեանքի պարզութեամբ ժողովրդին ջերմեռանդ հաւատոյ և օրոյ կենդանի օրինակ տալ, միւս կողմից գիտութեան և աւետարանական լուսոյ կանթեղը յարատւ վառ պահել՝ հայ հօտի կրթութեան և յառաջագիմութեանը նպաստելու—ահայս կրկնակի կոչմանն է նուիրուել ընդ միշտ Տաթեւի վանքը։

Բայց թէ ո՞րքան բեղմնաւոր եղաւ Միւնեաց ուխտն իւր այս կոչմամբ, ինչպիսի բարիքներ բերաւ հայ աղգի համար, վիշտում և խօսում են այդ մասին բաղմամբիւ իրողութիւններ, որոնք կապուած են Տաթեւի անուան հետ և ընդգրկում են յաջորդաբար մի քանի դարերի պատմութիւն։

Եւրդ դարից սկսած, երբ հայ աղգը հղօր դրացիների յարձակումներից խապառ ուժամով, իւր ներքին ամրութիւնը որոնում էր եկեղեցւոյ հովանու տակ, և յաճախ ստիպուած էր կրօնական վտանգաւոր մաքառման մէջ մտնել յանուն այդ եկեղեցւոյ անարատութեան՝ արեւմտեան քրիստոնէաների նենգ հրապոյրների դէմ, որոնք հաւատոյ և խղճի աղատութեան փաճառման գնով միայն հայերին օգնութեան ձեռք մեկնելու յոյսեր էին տալիս, Տաթեւն էր այն կենդանուր, որտեղից Հայաստանեայց եկեղեցւոյ ուղղափառութեան բաղմամբիւ ջատագովներ հանդէս եկան և հայի հաւատը, հայի խղճի աղատութիւնը պաշտպանեցին, Բաղկեղոնականութեան դէմ մղած դարաւոր պայքարի առաջնորդները Միւնեաց վարդապետներն էին, որոնք իրենց պատրաստութեամբ, ս. Գրքի գիտութեան պաշարով աջակցում էին հայրապետներին, խորհուրդներ տալիս, մեկնում և բացատրում եկեղեցւոյ ուղիղ դաւանանքը, նախադասում աղգային ժողովներում, պատրաստում նախարարներին և ժողովրդին բարոյապէս՝ անվեհերութեամբ դիմադրելու այն բոլոր արտաքին հօտանքներին, որոնք կարող էին փոքր ինչ արատաւորել Հայոց եկեղեցւոյ առաքելական օգին և շարժել նորա անկախութեան և ինքնուրոյնութեան հիմունքը։ Պետրոս, Վրթմանէս, Մաթեոսաղա, Ստեփաննոս և այլք՝ որոնք յայտնի են իբրեւ գլուխ ամենայն

1. Հոշակաւոր վանքիս լոցացած հազարամեակի առթիւ հրատարակուած ենք նրա անցեալ եւ այժմեան վիճակի այս համարոտ նկարագիրն ու պատկերը։